



Broj: 01-16-12-1854- 11 /22  
Banja Luka, 10.11. 2022.godine

OL 11-1  
11.11.22

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 4/08, 49/09, 32/13, 91/17), člana 25. Zakona o Upravi za indirektno oporezivanje („Službeni glasnik BiH“ broj: 89/05) člana 69. stav (2) tačka d) i člana 70. Stav (4) Zakona o javnim nabavkama („Službeni glasnik BiH“ broj: 39/14), Direktor Uprave za indirektno oporezivanje, d o n o s i

OL-1-d  
11.11.22  
D.

### ODLUKU

**o poništenju javne nabavke za vršenje usluga ručnog pranja motornih vozila Središnjeg ureda i Regionalnog centra Banja Luka, na koje se primjenjuje poseban režim**

#### I

Poništava se postupak javne nabavke za vršenje usluga ručnog pranja motornih vozila Središnjeg ureda i Regionalnog centra Banja Luka, na koje se primjenjuje poseban režim.

#### II

Postupak poništavanja javne nabavke provešće se shodno odredbama Zakona o javnim nabavkama BiH („Službeni glasnik BiH“, broj: 39/14).

### Obrazloženje

Odlukom, broj: 01-16-12-1854/22 od 18.08.2022. godine odobreno je provođenje postupka javne nabavke za vršenje usluga ručnog pranja motornih vozila Središnjeg ureda i Regionalnog centra Banja Luka.

Ukupna procijenjena vrijednost javne nabavke iznosi 12.000,00 KM bez PDV-a.

Sredstva za javnu nabavku su osigurana u Budžetu/Finansijskom planu Ugovornog organa na poziciji 613726.

Slijedom navedene Odluke, dana 28.09.2022.godine, izvršeno je objavljivanje Poziva za dostavljanje ponuda (TD), broj: 01-16-12-1854-1/22 od 27.09.2022.godine, na web stranici Ugovornog organa, te su upućena tri poziva ponuđačima.

Rok za podnošenje ponuda bio je 18.10.2022.godine do 12,00 sati.

Dana 18.10.2022. godine u 12.15h, u prostorijama Uprave za indirektno oporezivanje, Banja Luka, Ulica Bana Lazarevića bb, Komisija je pristupila javnom otvaranju blagovremeno pristiglih ponuda.

U Zapisniku o otvaranju ponuda broj: 02-16-12-1854-8/22 od 18.10.2022.godine, Komisija je konstatovala da je blagovremeno dostavljena jedna ponuda, i to ponuda ponuđača:

- **GARI s.p. Trubajić Željko, Banja Luka, Ulica Momčila Popovića br. 3,** te da je isti u svojoj ponudi iskazao cijenu i operativni trošak-udaljenost, kako slijedi:

| Naziv ponuđača                                                    | Podkriterijumi koji se vrednuju unutar kriterijuma ekonomski najpovoljnije ponude                          | Ponuđeni popust |
|-------------------------------------------------------------------|------------------------------------------------------------------------------------------------------------|-----------------|
| GARI s.p. Trubajić Željko, Banja Luka, Ul. Momčila Popovića br. 3 | Cijena: 12.000,00 KM bez PDV-a,<br>12.000,00 KM sa PDV-om,<br><br>Udaljenost: 2.000,00 metara u oba smjera | /               |

Komisija je na zatvorenoj sjednici pristupila postupku preispitivanja dostavljene ponude u smislu kvalifikovanosti iste, shodno uslovima propisanim u Pozivu za dostavljanje ponuda za vršenje usluga ručnog pranja motornih vozila Središnjeg ureda i Regionalnog centra Banja Luka, na koje se primjenjuje poseban režim, broj: 01-16-12-1854-8/22 od 18.10.2022.godine, te je nakon izvršenog uvida u dostavljenu ponudu, utvrdila da:

- Ponuda ponuđača **GARI s.p. Trubajić Željko, Banja Luka, Ulica Momčila Popovića br. 3**, ne ispunjava sve zahtjeve Ugovornog organa definisane Pozivom za dostavljanje ponuda, te je ista ocijenjena kao neprihvatljiva.

Naime, tačkom 4.2. Poziva za dostavljanje ponude, između ostalog, propisano je da ponuđači trebaju *kao dokaz za navedenu udaljenost, u ponudi popuniti Izjavu u Aneksu 1 i dostaviti ispis sa Google mapsa.*

Uvidom u ponudu koju je dostavio ponuđač **GARI s.p. Trubajić Željko, Banja Luka, Ulica Momčila Popovića br.3**, Komisija je utvrdila da isti nije dostavio ispis sa Google mapsa kojim dokazuje udaljenost, čime nije ispunio gore navedeni uslov.

Takođe, tačkom 5.3.1. Poziva za dostavljanje ponuda je propisano da što se tiče uslova tehničke i profesionalne sposobnosti (čl. 50 ZJN) ponuđači trebaju ispuniti minimalne uslove u smislu da je objekat tehnički i profesionalno opremljen kako slijedi:

- da ima najmanje jednog zaposlenog radnika ili najmanje jednog angažovanog radnika, za usluge ručnog pranja vozila,

- da je objekat tehnički opremljen te da:

- raspolaze sa minimum jednim mjestom za pranje vozila koji je natkriven;

- posjeduje opremu za ručno pranje vozila, sa hladnom i toplom vodom, koja je prilagođena za pranje vozila bez oštećenja,

-ima opremu za usisavanje unutrašnjosti vozila, ručno pranje i brisanje unutrašnjih stakala, čišćenje plastičnih dijelova (instrument tabla, plastični dijelovi na vratima, gepeku i dr.),

- prilikom usluge koriste hemijska sredstva za odmašćivanje i čišćenje vozila koja po svom hemijskom sastavu ne oštećuje vozilo.

- ponuđač osigurava da se vozilo za pranje od strane ugovornog organa, preuzima maksimalno u roku 15 minuta, računajući od momenta dovoza vozila na pranje od strane ugovornog organa.

- ponuđač osigurava pranje vozila u roku od jednog sata, računajući od momenta preuzimanja vozila na pranje od strane ponuđača.

Nadalje, tačkom 5.3.2. Poziva definisano je da će se ocjena tehničke i profesionalne sposobnosti ponuđača izvršiti na osnovu sljedećih dokaza:

- potvrde/spiska nadležnog fonda **PIO/MIO odnosno Porezne uprave**, kojom ponuđač potvrđuje da ima najmanje jednog zaposlenog radnika (dokazi se dostavljaju kao original ili ovjerena kopija dokumenata, od strane nadležnog organa), ili **ugovor o djelu za najmanje jednog angažovanog radnika** (zaključen između ponuđača koji dostavlja ponudu i angažovanog radnika, sa obostranim potpisom ugovornih strana), kojim se potvrđuje da ponuđač ima najmanje jednog angažovanog radnika za obavljanje predmetne usluge. (dokazi se dostavljaju kao original ili ovjerena kopija dokumenata, od strane nadležnog organa), i

- pismene izjave ponuđača da objekat u kojem će se vršiti ručno pranje vozila ispunjava minimalno tehničke karakteristike za poslove kako je navedeno u tački 5.3.1. (Original izjava ovjerena i potpisana od strane ponuđača).

Uvidom u ponudu ponuđača **GARI s.p. Trubajić Željko, Banja Luka, Ulica Momčila Popovića br. 3**, Komisija je utvrdila da isti u sastavu svoje ponude nije dostavio niti jedan od navedenih traženih dokaza koji su zahtjevani u tački 5.3.2. Poziva.

Nadalje, ponuda ponuđača **GARI s.p. Trubajić Željko, Banja Luka, Ulica Momčila Popovića br.3**, nije uvezana i numerisana, te ne ispunjava zahtjeve Ugovornog organa definisane Pozivom za dostavljanje ponude. Naime, tačkom 7.5. Poziva, propisano je da se *ponuda izrađuje na*

način da čini cijelinu. Svi listovi/stranice ponude moraju biti čvrsto uvezani (npr. kao knjiga ili povezane jemstvenikom – vrpcom), tako da se ne mogu naknadno ubacivati, odstranjivati ili zamjenjivati pojedinačni listovi odnosno prilozi, a da se vidno ne ošteti uvez ponude. Ponuda mora biti uvezana na način da se poštuje integritet teksta i margina, u smislu preglednosti dostavljenih podataka, tj. sve ponuđene cijene moraju biti u fontu da je prihvatljiv za čitanje. Sve strane ponude moraju biti numerisane na način da je vidljiv redni broj stranice/lista u skladu sa članom 8.stav (6) i (7) Uputstva za pripremu modela tenderske dokumentacije i ponude (Sl.glasnik broj: 90/14). Ako ponuda sadrži štampanu literaturu, brošure, kataloge i sl. koji imaju izvorno numerisane brojeve, onda se ti dijelovi ponude ne numerišu dodatno.

Takođe, tačkom 7.6. Poziva za dostavljanje ponuda, između ostalog, propisano je da ponuđači dostave i **pismenu izjavu ponuđača da će u roku maksimalno 15 minuta preuzeti vozilo, te ga oprati u roku 1 sata, računajući od momenta preuzimanja vozila na pranje od strane Naručioca.** Ponuđač **GARI s.p. Trubajić Željko, Banja Luka, Ulica Momčila Popovića br.3** u svojoj ponudi nije dostavio zahtjevani dokaz.

Slijedom prednje navedenog, ponuda ponuđača **GARI s.p. Trubajić Željko, Banja Luka, Ulica Momčila Popovića br.3**, ocijenjena je kao neprihvatljiva.

Budući da je u predmetnom postupku javne nabavke za vršenje usluga ručnog pranja motornih vozila Središnjeg ureda i Regionalnog centra Banja Luka pristigla ponuda koja je ocijenjena kao neprihvatljiva, Komisija je dala preporuku DirektorU UIO da predmetni postupak javne nabavke za vršenje usluga ručnog pranja motornih vozila Središnjeg ureda i Regionalnog centra Banja Luka poništi shodno članu 69.stav (2) tačka d) Zakona o javnim nabavkama.

Prihvatajući prijedlog Komisije, odlučeno je kao u dispozitivu ove odluke.

**Pouka o pravnom lijeku:** Ponuđač koji smatra da je ugovorni organ u toku postupka izvršio povredu odredbi Zakona o javnim nabavkama ima pravo uložiti žalbu.


Žalba se podnosi Kancelariji za razmatranje žalbi BiH putem Uprave za indirektno oporezivanje, Ulica Bana Lazarevića bb, Banja Luka, u pisanoj formi, u tri primjerka, u roku od 10 dana od dana prijema ove odluke.

Shodno članu 108. Zakona o javnim nabavkama žalilac je obavezan platiti naknadu za pokretanje žalbenog postupka.

Uplata naknade vrši se u skladu sa Instrukcijom o načinu uplate, kontrole i povrata naknada propisanih članom 108. Zakona o javnim nabavkama („Službeni glasnik BiH“, broj: 86/14).

**Dostaviti:**

1. 01,
2. 02/1x2,
3. arhiva.



**DIREKTOR**

**Dr Miro Džakula**